

國家圖書館藏

清代孤本方志選



國家圖書館分館編

清代孤本方志選

(第一輯第十五冊) 江西 南康府志「康熙」十二卷



南康府志序

康郡領匡廬之陽幅員不三
百里而湖山疆半古設重鎮
曰南康軍所稱江右之地軸
為鎖鑰北門也閩廣取道以
彭蠡為險余舊司李官承乏

篆政見瘠土民思思則善心
生以爲周朱風教尚可復起
惟是禮樂衰闕載籍失錯文
獻無稽心竊愀然攷天順辛
巳曾修一統志而郡乘仍者
蕪蔓雜俎其續鐫者萬曆癸

已以後未之聞顧不逢其時
昌黎不登脩史之堂已今

皇清以土德王天下繼朱明火
德正運靖掃原塵拓弘四海
蓋得仗於亂賊之手爲明帝
發喪爲方夏雪恥萬古縉常

大義也康熙八年賜天下郡
守以黃旗二面用明土德易
曰黃離元吉柔麗於中而得
其正也不敏先以討賊微績
為

相國洪文襄公特聘

上可其請起官衡貳量移復興
斯郡城郭如故受命閱七年
次第脩理木石陶冶不費民
間一銖亦云因陋就簡粗可
自完會

部檄行纂脩大一統志以豫

秦為式嘉賴諸名下按遺補
訂於客臘先脫崇進併省會
成書其經目十有二祇求寧
嚴毋濫寧簡毋繁曰封域曰
建置曰賦役曰學校曰秩官
曰名宦曰選舉曰人物曰女

德曰藝文曰雜志曰外志
重者文教人材為治天下之
本務也土地人民政事則各
有其宜不敏在康言康蓋謂
巨浸無市舶也名山亦累人
也湖畔盡黃沙墳起童叟不

毛竇颯險危鮮獲安瀾戒心
甚矣山石巖巖空林梵響惟
白鹿一席廟貌聖賢儒宗紹
述於此昔人有云周禮盡在
魯聖澤演在康也以是名流
墨客絡繹車舟則湖上迎來

送徃倍難且土物無所出民
俗不質逸有司似可頑然於
道中而已以言乎形勝風土
則星子依廬帶水三里之城
負賦不滿一萬士民習尚樸
嗇矜儒雅之脩而鮮造于純

厚建安接武洪都重物望之
華而或高於畔岍都昌水隔
一區近徽饒豪舉之俗多黠
強而不能自安其業故操刀
而割者慎勿以繭絲為理也
尤願觀風問俗之日其歌自

鄒以下無譏可乎余職司守
土今當

輯瑞之期因得與劉倫兩寅丈
星建安三令尹從纂脩之後
與給諫熊公維典觀政錢君
正振生員熊君冰熊孝廉吳

君一聖府廣文張君博求所
謂千金不易一字者為述職
報曰土地人民政事惟此書
舉八十年闕失典故聊用紹
續庶幾文獻足徵兩度重來
無怍爾若夫景物雜陳則有

廬山勝紀未更疊見也

康熙十二年癸丑仲冬之朔

中憲大夫知江西南康府

理白鹿書院嶺南廖文英

撰





南康郡志明季凡三修哉

朝順治年間河陽薛公因田志

而附益之康熙癸丑昆湖廖

公復因薛志而增刪之於今

五十餘年若山志若洞志與

夫郡志版籍俱蠹蝕剝落余